

መጅልስ አምን ወለሃልም ቀራራቱ ድድ ኤረትሮፕ



(4ይ ክፍል)

እብ ዶ/ር አሕመድ ሐሰን ድሕሊ

1-ኤረትሮፕ ወጅቡቲ እብ ዜረኖት ቀጠር፡ ዲብ ፆም 6 ጁን 2010 ዲብ እትፋቅ በጽሐዩ። ለትበጸሐት እትፋቅየት ህዬ ሕዱድ ክልኢተን ድወል እብ አሳስ እድንያይ ቃኑን፡ እብ ሐቴ እድንያይት ሸሪከት አስክ ልትአሸር፡ ዴሽ ቀጠር ዲብ ሕዱድ ክልኢተን ድወል እግል ልጽነሕ ለልብል ቱ። ጅቡቲ ዜረኖት ደውለት ቀጠር እንዴ ኢገብእ፡ ዜረኖት ፈረንሰ ተሐዜ ክምሰል ዐለት ዲብሎማሰዪን ዔማታት ለሐብር። ለሰብብ ህዬ፡ ቀጠር ገዘ ለአለበ ገበይ እግል ትተበዕቱ ለትብል ፈርህት ሰበት ዐለ እለ እበ ምሮ እንክር፡ እበ ብዕደት ጀህት ህዬ ምሰል ፈረንሰ ዕላቀት ረያም ሰበት በ እግል መስለሐተ እግል ትሸቄ ክምሰል ትቀድር ዲብ ወግም እንዴ ኣቴተት ቱ። ምናተ ፈረንሰ ምሰል ቀጠር ዲብ ጅግረ እግል ትእቴ ሰበት ይሐዜት፡ እግል በዳሪት ቀጠር እንዴ አየደት ሰዳይት እግል ተህብ ዱሊት ክምተ እንዴ አከደት እግል ጅቡቲ ሰእየት ክልኣተ።

1.1. ኤረትሮፕ ምን ንየት ሰኔት እንዴ ትበገሰት፡ ለቀድየት እድንያይ ሸክል እግል ትጽበጥመ ንየት ሰበት ይዐለት እግል፡ ክምሰልሁመ እብ ገበይ ሰላም ወሕውትነት ወእብ ገበይ ቃኑን እብ ዜረኖት ቀጠር ሐል እግል ልግበእ እለ ለዐለት እለ ንየት እንዴ ትበገሰት፡ እብ አሳስሊ ዲብ ፆም 6 ጁን 2010 ለትበጸሐት እትፋቅየት፡ ምን ጅቡቲ ምልክዬቱ ለትብሉ ባካት ውሕዳተ አፍገረት። አስክ ሕዱድ ክልኢተን ድወል ልትሐደድ ህዬ ውሕዳት ቀጠር ዲብ ክምሰል ጸንሕ ገብኣ።

1.2. ርኢህ ሩኣሰ ወዘረእ ወወዚር ካርጅየት ቀጠር ለዐለ ሐመድ ቢንጃስም ቢንጃብር አሳኒ ዲብ ዮም 6 ጁን 2010 አስክ ርኢህ አምን ምጅልስ ቅራን ክሉድ ሂለር ዲብለ ነድአየ ልእከት: “ደውለት ኤረትርየ ምን ለትክሕድ ባካት ሕዱዱ ቅዋተ ስሕበት ህሌት: እሊ ላኪን እብ አሳስለ ትበጸሐት እትፋቅየት: ለቀድየት አስክ ናይ ደንጎበ ሐል ትገብእ እግለ ዲኢኮን: ክምሰል ናይ ‘ጅቡቲ አካን ቱ’ እንዴ ትቤ ለትቀበለቱ እንዴ ወዴስ ለልትነሰእ ኢኮን አው ክምሰልሁ እግል ለአስሜዕ አለቡ” እንዴ ቤለ እብ ዋዴሕ አትአመረዩ።

1.3. ርኢህ ደውለት ኤረትርየ ኢሰያስ አፈወርቂ: ርኢህ ጅቡቲ እስማዒል ዑመር ገሌን ወአሚር ደውለት ቀጠር ሐመድ ቢንሽሊፊ አልሳኒ ለፈርመው እተ እትፋቅየት: እሊ ለተሌ ተአክድ። “ሩኣሰ ኤረትርየ ወጅቡቲ: እብ ዜረኖት አሚር ቀጠር ሓይስ ሼክ ሐመድ ቢንሽሊፊ አልሳኒ: ራቴዕቱ ለቤለዩ ቃኑናይ ወቴክኒካይ ምስዳራት እብ ዶ/ር አሕመድ ሐሰን ድሕሊ እግለ ናይ ሕዱድ አከይመቅርሕ ናይ ደንጎበ ሐል ለለህይብ መካኒዝም ለሸምል ሰነድ እግል ለአፍግር መስኡልየት ታመት ለሀዩቡ። እግለ ቀጠር ተአውጁ ናይ ሸቅል ወሲቀት ለገብእ ሐል ህዩ ልትከበቱ።”

1.4. ለናይ እትፋቅየት ወሲቀት ሰቦ ማዳት ለጸብጠ እትገብእ: ዎሮ ምኑ: “ደውለት ኤረትርየ ምን ለትክሕድ ባካት ሕዱድ ቅዋተ ክምሰል ሰሐበት ደውለት ቀጠር አከደት” ልብል። እለ ምስዳር እለ ላኪን እብ አሳስለ ትበጸሐት እትፋቅየት አስክ ናይ ደንጎበ ሐል ገብእ ዲኢኮን ክምሰል ናይ ሐቴ ጀህት ሐቅ እዕትራፍ እንዴ ወዴስ ለልትነሰእ ክምሰል ኢኮን ለሐብር። 1.5. ወስል (ነግል) ናይለ እትፋቅየት አስክ መነዘመት ምጅልስ ቅራን: እትሓድ አፍሪቀ ወአልጃምዐ አልዐረብዩ ንዱእ ህለ። እሊ ህዩ ዲብለ ፈርመየ እቱ ኤረትርየ: ጅቡቲ ወቀጠር እንዴ ተሐደደ ለተርፍ ጋር እንዴ ኢገብእ: እድንያይ: አፍሪቅያይ ወዐረብያይ ዕመቅ ክምሰል ቡ ለለአክድ ቱ።

2. ፍንጌ ኤረትርየ ወጅቡቲ ለትበጸሐት እትፋቅየት 7 ማዳት ትከምክም። ህቱ ህዩ፦

ቀዳማይት ማደት፦ እብ አሳስለ እብ ክልኢተን ጀሃት እግል በዐል ምግብ ደውለት ቀጠር ለተሀየበት መስኡልየት: ናይ ሕዱድ አከይ መቅርሕ እብ ርኢህ ወዘረእ ወወዚር ካርጅየት ቀጠር ሼክ ሐመድ ቢን ጃስም ቢንጃብር አልሳኒ ለልትመረሕ ወከኣይል ክልኢተን ድወል ለብእተ ልጅነት ልትከወን። ለልጅነት ህዩ ምስል እድንያይ እትፋቅየት እንዴ ትመረቃረሐ እብ አሳስ እድንያይ ቀዋኒን ወመምርሒታት: እግል ሕዱድ ክልኢተን ድወል ናይ አሸርት ወራት ለተአገዴ: ሐቴ እድንያይት ሸሪከት ለሐሬ። ርኢህ ህዩ: ወቀይ ልጅነት እግል ዐወቶት ልጃን

ነኣይሽ እግል ልትከውን፡ ብቅዓምቶም እግል ቤለዮም ስያስዩን፡ ተክኒክዩን ወሰብ መቅደረት ናይ ቃኑን ኣምራም እግል ልትነፈፅ መስኡልየት

ቡ ካልኣይት ማደት፡ ሀደፍ ናይ እለ ልጅነት እለ ፍንጌ ክልኢተን ድወል ለሀለ ኣከይመቅርሕ ሕዱድ እግል ሀወኖት እግል ዕላቀት ወግውርነት ሰኔት እበ ከድም ኣግቡይ ሕዱድ ክልኢተን ድወል ኣሸርት ቱ። ሳልሳይት ማደት፡ ክልኢተን ጀሃት ዲብ ሐንቴሆም ኣሲሪን ሀለው ምንገብእ፡ ብዝሒም ወኣስማዮም እብ ዋዴሕ እግል ደውለት ቀጠር ሰልሞ። ክምሰልሁመ ብዝሒ ኣስማይ ናይለ ሓለቶም ለኢትደሌት ለኣቀርቦ። ፍንጌ ክልኢተን ድወል ህዩ መትባዳል ኣሲሪን ገብእ። ክምሰልሁመ ክል ጀህት ቴለል ናይለ ሓለቶም ለኢደሌት ትብሕስ። እሊ ክሉ ህዩ እብ ደውለት ቀጠር ዲብ ልትወጀህ ገብእ፡ ራብዓይት ማደት፡ ክል ጀህት ናትለ ኣሸርት ለትወዴ እድንያይት ሸሪከት ለቀርብ ምህም ለትበሀለ ወሳይቅ ወሐብሬ እግል ደውለት ቀጠር ለህይብ። ሓምሳይት ማደት፡ ለሕዱድ እግል ተኣሸር ክልኢተን ጀሃት ለኣተፈቀየ እተ እድንያይት ሸሪከት፡ ፈግሪት ሸቅለ ኣስክለ ዲብ ቀዳማይት ማደት ናይ እለ ወሲቀት እለ ለህሌት ልጅነት ተኣቀርብ። ቀራር ልጅነት ህዩ እግል ክልኢተን ጀሃት ለቀይድ ወናይ ደንጎበ ገብእ።

ሱሳይት ማደት፡ ቀጠር እግል ናይ ሕዱድ ኣከይመቅርሕ ክልኢተን ድወል እግል ኣስከቦት ለትየመመት በዐል ምግብ ሰበት ገብኣት፡ ለዲብ ሳልፋይት ማደት ናይለ እለ ወሲቀት ለህሌት ልጅነት፡ እግል ሕዱድ ለከሰስ ናይ ደንጎበ ቀራር ለተኣፈግር፡ ዲብ ባካት ቅዋተ እንዴ ኣትገሴት ሕዱድ ናይ ራቀቦት ወቀይ ትሳይር። ሳብዓይት ማደት፡ “ደውለት ቀጠር እግል እትፋቅየት እብ ሰበት ኣግቡይ ኣስከቦት ኣከይመቅርሕ ሕዱድ እብለከሰስ ለፈግሪት ወሲቀት እትፋቅየት ወፈዓልየት፡ ኣስክ መነዘመት ምጅልስ ቅራን ወኣልጃምዐ ኣልዐረብየት ወእተሓድ ኣፍሬ ትልእክ” እብ ሰበት እለ ቀድየት እለ እሊ ለተሌ ተውዴሕ ቀደሞት ምህም ቱ።

1. መነዘመት ምጅልስ ቅራን፡ እተሓድ ኣፍሪቀ፡ ኣልጃምዐ ኣልዐረብየ ወሐምሲተን ዳይማት ኣንፋር ምጅልስ ኣምን እግል እለ እትፋቅየት እለ ሰኑደ ወለኣዩደ። 1.1 ምጅልስ ኣምን ዲብ ዮም 11 ጁን 2010 ዲብ ኣፍገሪዩ ሸሪሕ፡ “ ደውለት ቀጠር እግል ኣከይመቅርሕ ሕዱድ ጀምሁርየት ጅቡቲ ወደውለት ኤረትርየ እግል ኣስከቦት ናይ ዜረኖት ዶር ተኣይድ ወክልኢተን ድወል እትፋቅየት ሰበት ፈርመየ ህዩ ፈርሐቱ ሸሪሕ” ቤለ። ናይለ ወክድ ለህይ ኣሚን ዓም መነዘመት ምጅልስ ቅራን ባንኪሙን እብ ጀህቱ፡ ዲብ ዮም 8 ጁን 2010 ዲብ ኣፍገሪዩ ሸሪሕ፡ እግል እትፋቅየት ክልኢተን ድወል ተእዩዱ ሻሪሕ ቱ።

1.2 እተሓድ ኣፍሪቀ እብ ጀህቱ፡ ርኢስ ተንሬዚሁ ለዐለ ጁን ቢንግ ዲብ ዮም 8 ጁን 2010 እበ ኣፍገሪዩ ኣዋጅ፡ እግል ፍንጌ ኤረትርየ ወጅቡቲ ለትበጸሐት

እትፋቅየት ተእዩዱ ሻሬሕ ቱ። እንዴ አትለ ህዬ፡ “እለ እትፋቅየት እለ ዲብ ቀር አፍሪቀ እብ ግዲዱ አሆታይ ተእሲር እግል ለሀሌ እለ እትምኔ” ህዬ ቤለ።

1.3 “አሚን ግም አልጃምዐ አልዐረብዩ ለዐለ ግምር ሙሰ እብ ጀሀቱ፡ ዲብ ዮም 8 ጁን 2010 ዲብ አፍገረዩ ሻሬሕ፡ እግለ ፍክሰ ጀምሁርየት ጅቡቲ ወደውለት ኤረትርዩ ፍንጌ ክልኢተን ድወለ እግለ ትከለቀ አከይመቅሬሕ ሕዱድ እግል አስከቦት ለፈርመዩ እተ እትፋቅየት እንዴ አየደ፡ ደውለት ቀጠር እግለ ኸላፍ እግል አስከቦት ትወድዩ ለዐለት ጸገም ሐምዴሁ ሸርሐ።”

1.4 ኤለክትሮኒካይት ሸበከት መክተብ ርኢስ ፈረንሰ ክምሰል ተሐብሩ፡ ርኢስ ፈረንሰ ለዐለ ኒኮለ ሳርኮዚመ ዲብ ዮም 8 ጁን 2010 ዲብ አፍገረዩ ሻሬሕ፡ “ኤረትርዩ ወጅቡቲ ናይ ሕዱድ አከይመቅረሐን እግል ሀወኖት ዲብ እትፋቅየት ብጽሐተን ሐምዴዬ እሸሬሕ” ሐቆለ ቤለ፡ እንዴ አትለ፡ ፍንጌ ክልኢተን ድወለ እግለ ትከለቀ ቴለል እግል ሀወኖት ደውለት ቀጠር እግለ አግዴቱ ዶር ሐመደ። ክምሰልሁመ ደውለቱ ለተትሐዜ ሰዳይት እግል ቲዴ ዱሊት ክም ዐለት አከደ።

1.5 ውዛረት ካርጅየት ፍሰዩ ዲብ ዮም 10 ጁን 2010 ዲብ አፍገረዩ ሻሬሕ ህዬ እግለ ትበጸሐት እትፋቅየት እንዴ አየደት፡ ሐል ኸላፍ ሕዱድ ኤረትርዩ ወጅቡቲ ዲብ አደቀቦት ሰላም ወመስኩብት መንጠቀት ቀር አፍሪቀ ዶር ክምሰል ለሀሌ እሉ አከደ።

1.6 ወዚር ካርጅየት ብሪጣንዩ ወወዚር ዕዳገ ሕበር አፍሪቀ ሃንሪ ቤሊንግሃም እብ ዶሩ፡ ዲብ ዮም 10 ጁን 2010 ኤረትርዩ ወጅቡቲ አከይመቅረሐን እግል አስከቦት እግለ ወድያሁ ጸገም ሐቆለ ሐመደ፡ እግለ ነስኢያሀ አወላይት ምስዳር ዲብ ሰላም ወመስኩብት መንጠቀት ቀር አፍሪቀ ዶር እግል ለሀሌ እሉ ለዐለት እሉ ትምኔት ሸርሐ”

1.7 በዐል ንሳል ውዛረት ካርጅየት ቻይነ ጋን ጋንግ ዲብ ዮም 11 ጁን 2010 ዲብ ሀበዩ ሻሬሕ፡ ፍንጌ ኤረትርዩ ወጅቡቲ ለትበጸሐት እትፋቅየት እንዴ ሐመደ እግል ዜረኖት ቀጠር ሐመደ።

1.8 ፍሊፕ ክራውሊ፡ እብ ስሜት ውዛረት ካርጅየት አሜሪካ፡ ዲብ ዮም 15 ጁን 2010 ዲብ አፍገረዩ ሻሬሕ፡ “አሜሪካ እግለ ዲብ ዮም 6 ጁን 2010 ፍንጌ ርኢስ ኢሰያስ አፈወርቂ ወታንጃሁ ርኢስ ዑመር ገሌ ለትፈረመት እትፋቅየት ተአይድ” ሐቆለ ቤለ፡ ጅህድ ናይለ ወክድ ለህይ አሚር ቀጥደር ሐመድ ቢን ኸሊፊ አልሳኒ ሐመደ።

1.9 በዐል ንሳል ሸኡን ካርጅየት እተሓድ አሮብ ለዐለት ካትሪን አሸተን ዲብ ዮም 9 ጁን 2010 ዲብ አፍገረቱ ሻሬሕ፡ “እተሓድ አሮብ እግል በዐል ምግብ አሚር ቀጠር እትፋቅየት ኤረትርዩ ወጅቡቲ ለአይድ፡ ፍንጌ ክልኢተን ድወለ ለትበጸሐት

እትፋቅየት ህዬ፡ ናይ ሕውትነት ወስን ግዋሬ ለትመደደ እተ እትፋቅየት እግል ብልሰት ምህም ምስዳርተ” ቤለት።

1- ዎሮ ምነ ለለትዐጅብ፡ ምጅልስ አምን እግል ኤረትርዮ ክምሰል ነፈር መነዘመት ምጅልስ ቅራን እግል ገሌ ማዳት መነዘመት ምጅልስ ቅራን እግል ተሐሽም መትሰኣሉ ቱ። ምናተ ኤረትርዮ ክምሰል ደውለት ምን 1991 እንዴ አስተብዴት ክምሰል ሰውረት ህዬ ምን ሰነት 1961 አስክ 1991 ሚሳቅ መነዘመት ምጅልስ ቅራን ክምሰል ኢኬደት እት ተሐሽሙ ክምሰል ጸንሐት ሰኒ ወአማን ተአምር። ለዝያደት ለለአትፈክር ህዬ ምጅልስ አምን እብ ሰበትለ ዲብ ኤረትርዮ ለወጀህዮ ሸክወት ወለ ሐቱ እስባት እግል ለአቅርብ ምን ኢቀድራ ቱ። ምናተ፡ እብ ቃብል እሊ ምጅልስ አምን እብ አሳስ ክቱብ “ሀ” ማደት 14 ናይለ ዲብ ዮም 18 ጁን 2000 ዲብ አልጀዛእር፡ ለትፈረመት “እትፋቅየት አትካራም ዐዳዋት” እግል ሕኩመት አቶብዩ ቀራር መፈወድየት አሸርት ሕዱድ እት ፍዕል እግል አውዐሎት እግል ልቀስብ እብ አሳስ ምዕራፍ 7 ሚሳቅ መነዘመት ምጅልስ ቅራን መጃዝያይት ምስዳር እግል ትትነሰእ እተ ወጅብ ዐለት። ምናተ ምጅልስ አምን እብ አሳስለ ለትበጸሐት እትፋቅየት ትግበእ ዲብ አወላይ ሓምሳይ ወሳምናይ ክቱብ ለህለ እግል ሰልጠቱ ለወዴሕ ወራታት፡ ዋጅባቱ እግል ለአትምም ኢቀድረ። ገሌ ምነ እግል ሊደዩ ወጅብ ለዐለ ወራታት፡-

- እድንያይ ሰላም ወመስኩበት አድመኖት።
- እግል ሰላም ለተአፈርህ ለገብአት ብቆት አው ጸብኢት እግል ጋብሆት ኤታን አዳለዮት።
- ድድ መትጻባኣይ (ዌራይ) ምስዳር ዐስከርየት ንስአት።

11. ምጅልስ አምን ለገብአ ልግበእ ሰበብ እንዴ ኢቀድም፡ እብ አሳስ ቀራር ዕልብ 1907 እግል መኔዕ ኤረትርዮ፡ እግል እብ ሐሰት፡ ኤረትርዮ “እግል ሐረከት አልሸባብ ሙጃህዲን ሶማል ትሰዴ” እንዴ ቤለ ለአቅረባዩ ሸክወት እግል ሕኩመት ጅቡቲ ዲብ ካጥእ አፍካር እንዴ ትበገሰ ለትመሀዘ ናይ ሕዱድ መሻክል፡ እበ ለትዐጅብ ካይን አግቡይቱ ለአትጸበጠዩ። ሰበት እሊቱ ህዬ ለሰበብ ምነ ፍገራቱ ወኬን ለትኬለመ ለገብአ። ፍንጌ ክልኢቱ ቅደይ ለህለ ናይ ሕበር ዓምል፡ ለናይለ ወክድ ለህይ ንዛም ኡዲስአበበ ወብዕዳም ናይ እለ መንጠቀት አንዘመት እት ፍዕል ናይ አውዐሎት መስኡልየት ናስኣም እቱ ለዐለው ስያሰት ናይለ ወክድ ለህይ እዳረት አሜሪካ ዲብ መንጠቀት ቀር አፍሪቃ ቱ። ሰበብ ተአመረ ምንገብእ መትዐጃብ አካን አለቡ። ዲብ እለ ለለትዐጅብ አሕዳስ ለልትረኤ እተ ዐለም አሸየእ ብዙሕ እግል ንርኤ እንቀድር። እሊ ላኪን እብ ቃብል እሊ አማን አስክ ትትሐቀቅ ዲኢኮን እግል ዲመ ኢኮን። ለቴለል ምስል ዕምር ወድ አዳም እብ አትመጣዋር

ረዩም እግል ልምሰል ቀድሮ ገብእ፡ እብ ድድ ታሪክ ገባይል ረኤናሁ ምንገብእ ላኪን ምን ቅያስ ወለዐል ሐጪር ቱ። ክምሰልሁ ገብእ ህዩ፡ ለአማን ዲብ ግርበት 2018 ትወደሐት። ምጅልስ አምን ዲብ 14 ኖቨምበር እግለ እምበል ሰበብ ረከስ ኤረትርዮ ለተአወጀ መኔፅ እግል ልርፍዑ ቀድረ።

12. ዲብለ ምጅልስ አምን ድድ ኤረትርዮ ለሐለፊዩ ቀራሩ ዕልብ 1907፡ “እተሓድ አፍሪቀ ዲብ 13ይ እጅትመፅ ማርሐት ድወል፡ ምጅልስ አምን ድድ ኤረትርዮ ቀራር መኔፅ እግል ለሓልፍ ጠልበ” ለትብል ንቅጠት ዐለት። ክምሰል ልትአመር ላኪን ምጅልስ አምን እብ አሳስ ምዕራፍ ሰቦ ሚሳቅ መነዘመት ምጅልስ ቅራን ለሐለፊዩ ቀራር መኔፅ፡ ናይ መንጠቀት አው ናይ መንጠቀት ተንዚም፡ ድድ ለገብአት ትግበእ ደውለት ናይ መኔፅ ጠለብ ሰበት አቅረበ እንዴ ኢገብእ፡ ዲብ ሚሳቅ መነዘመት ምጅልስ ቅራን ማዳት ዕልብ 39,41,42 አሳስ እንዴ ወደ፡ እግለ ምን “መራቅባይ ሐሽም” አው “ልጅነት መኔፅ” ለቀርብ እቱ ሐብሬታት ወተቃሪር እብ መብደእ እንዴ መርመረ መኔፅ እግል ለሓልፍ ወጅቡ ዐለ። ዲብ እሊ ላኪን አሳስያይት ማደት ዕልብ 39 እት ገብእ፡ ክምሰል እሊ ለተሌ ህዩ ልትቀረእ። “እድንያይት ሰላም ለለአፈርህ ቴልል ዶል ልትከለቅ አው ናይ ጸብኢት መዋዲት ዶል ጀሬ፡ ምጅልስ አምን እድንያይት ሰላም እግል አድመኖት አው ዲብ ለዐለ እቱ ቴለል እግል ብልሰት እብ አሳስ ማደት 41,42 ምህም ለትትበህል ፊነ አው ቀራር ለሓልፍ።

13. ቀራር ዕልብ 1907 እግል ኤረትርዮ ስለሕ እግል ኢትዛቤ ለመኔፅ ቱ። እብሊ ህዩ፡ ምጅልስ አምን እግል ኤረትርዮ ምን አርወሐተ እግል ትዳፌዕ እግለ ህለ እግለ ጠቢዕያይ ሐቅ ማኔፅ ዐለ። ሰበት እሊ ምጅልስ አምን እበ ነስአዩ ምስዳር፡ እግለ ድወል ምን አርወሐተን እግል 9ይ ክፈል እብ ዶ/ር አሕመድ ሐሰን ድሕሊ ልዳፊዐ ለትሰሚሕ ማደት 51 ሚሳቅ መነዘመት ምጅልስ ቅራን ካይድ ዐለ። ክምሰል ልትአመር ናይለ ወክድ ለህይ ሕኩመት አቶብዩ እግል ቀራር መፈወድየት አሸሮት ሕዱድ እንዴ ኬደ፡ ምን ጠለብ ምጅልስ አምን እንዴ አምሸሸ፡ እግል ስያደት ምድር ኤረትርዮ ዋርር ዐለ። እብ ተውሳክ ናይለ ወክድ ለህይ ሕኩመት አቶብዩ ምን ዩክረይን ወብዕዳት ድወል ዘበናይ ክቡድ ስለሕ ትዛቤ ወትከዝን፡ ምድር ጠልሙ ክምሰል ህለ ሰበት አመረ ህዩ ገጽ ቀደም ዲብ ለሀርብ “ድድ ኤረትርዮ ሐርብ እግል እክሰትቱ” ዲብ ልብል ለሀድድ ዐለ።